

# মেদিনীপুর সিটি কলেজের বার্ষিক ক্রীড়া প্রতিযোগিতা

নিজস্ব সংবাদদাতা, পশ্চিম মেদিনীপুর, ১৯ ডিসেম্বর— মেদিনীপুর শহরের উপকণ্ঠে অবস্থিত মেদিনীপুর সিটি কলেজের চারদিনের বার্ষিক ক্রীড়া প্রতিযোগিতার আয়োজন করে কলেজ কর্তৃপক্ষ। এই প্রতিযোগিতার পতাকা উত্তোলন, বর্ণাঢ্য শোভাযাত্রা ও কুচকা আওয়াজের মধ্য দিয়ে শুভ সূচনা হয়। পতাকা উত্তোলন করেন মেদিনীপুর সিটি কলেজের ভারপ্রাপ্ত অধ্যক্ষ কুন্তল ঘোষ। উপস্থিত ছিলেন ডিস্ট্রিক্ট স্পোর্টস অ্যাসোসিয়েশনের সম্পাদক সঞ্জিত তোরাই। চার দিন ধরে চলা এই প্রতিযোগিতার বিষয় ছিল পৃথক পৃথক বিভাগে ক্রিকেট, ফুটবল, দৌড়, ঝাঁপ, রিলে রেস, বল থ্রো, ব্যাডমিন্টন ইত্যাদি। ক্রিকেট বিভাগে কলেজের ১৮টি দল অংশগ্রহণ করেছিল। ক্রিকেটের চূড়ান্ত পর্যায়ের খেলাতে পদার্থবিদ্যা বিভাগকে পরাজিত করে জয়ী হয় কৃষিবিদ্যা বিভাগ। ফুটবল খেলাতে

মহাবিদ্যালয়ের ২০টি দল অংশ নিয়েছিল। ফুটবলের চূড়ান্ত পর্যায়ের খেলাতে কৃষিবিদ্যা বিভাগকে ২-০ গোলে হারিয়ে জয়ী হয় বি এম এল টি বিভাগ। ফুটবল খেলাকে ঘিরে ছাত্র-ছাত্রীদের মধ্যে টানটান উত্তেজনা ও চরম উদ্দীপনা দেখা দেয়। শনিবার শেষ হওয়া মহাবিদ্যালয়ের বার্ষিক ক্রীড়া প্রতিযোগিতার সমস্ত ইভেন্টে প্রায় ৫ শতাধিক ছাত্র-ছাত্রী যোগদান করেছিল। চার দিন ধরে চলা এই সমস্ত খেলাগুলি পরিচালনা করেন সিটি কলেজের স্পোর্টস কনভেনার অধ্যাপক বিশ্বজিৎ মল্লিক। আগামী ৬ ফেব্রুয়ারি সিটি কলেজের প্রতিষ্ঠা দিবসে ছাত্র-ছাত্রীদের হাতে পুরস্কারগুলি তুলে দেওয়া হবে বলে জানা গেছে। মেদিনীপুর সিটি কলেজের কর্ণধার অধ্যাপক প্রদীপ ঘোষ বলেন, ২০২২ শিক্ষাবর্ষের বার্ষিক ক্রীড়া প্রতিযোগিতা আমরা চারদিন ধরে করলাম। বিভিন্ন ইভেন্টে ছেলেমেয়েদের যোগদান

ছিল সত্যিই জোখে পড়ার মতো। এই সময়কালে ছাত্র-ছাত্রীদের মোবাইল বিমুখ করে পুনরায় খেলার মাঠে ফিরিয়ে এনে বন্ধুত্বপূর্ণ মনোভাবের মধ্য দিয়ে খেলায় অংশগ্রহণ করানোই আমার প্রথম এবং প্রধান লক্ষ্য।



ফুটবল প্রতিযোগিতা মেদিনীপুর শহরের অরবিন্দ স্টেডিয়ামে। সিটি কলেজের বার্ষিক ক্রীড়া প্রতিযোগিতা শুরু হয়েছে বুধবার থেকে। ফুটবল, ক্রিকেট, দৌড়-সহ একাধিক প্রতিযোগিতা চলছে। প্রতিযোগিতা শেষ হবে রবিবার। কলেজের ভারপ্রাপ্ত অধ্যক্ষ কুন্তল ঘোষ বলেন, “খেলা পরিচালনা করেন ক্রীড়ার দায়িত্বপ্রাপ্ত শিক্ষক বিশ্বজিত মল্লিক।”

—নিতাই রক্ষিত

## কলেজ ক্রীড়া

**মেদিনীপুর:** মেদিনীপুর সিটি কলেজের বার্ষিক ক্রীড়া হল অরবিন্দ স্টেডিয়ামে। ফুটবল, ক্রিকেট, ব্যাডমিন্টন, দৌড়, লং জাম্প ও বল থ্রো ইভেন্ট ছিল। ১৪ ডিসেম্বর থেকে চারদিনের প্রতিযোগিতা হয়।



■ মেদিনীপুর সিটি কলেজের বার্ষিক ক্রীড়ায় ফুটবল। নিজস্ব চিত্র